

EKALESIA FA'APOTOPOTOGA KERISIANO
I AMERIKA SAMOA

'AU TAUMAFAI

TUSI FAILOTU
2023



MO KERISO MA LE EKALESIA

EKALESIA FA'APOTOPOTOGA KERISIANO
I AMERIKA SAMOA

**'AU TAUMAFAI
TUSI FAILOTU 2023**



'MO KERISO MA LE EKALLESIA'

Laulau Mafutaga Aoao 'Au Taumafai EFKAS:

Fa'aeteete Saifoloi FT, Peresetene
Paulo Lealaitafe FS, Failautus
Johnny Fano FS, Teutupe

**Saunia Ienei Tusi Failotu:
'Aufaigaluega Pulega Fofu & Alataua**

Fa'aeteete Saifoloi FT
Manuele Mataafa FS
Fa'alili Otineru FS
Mataio Failauga FS
Iese Aasa FS
Lisi Thompson FS
Kautoa Moloti FS
Iese Fa'avaoga FS

UPU TOMUA

'Ia fa'afetaia lava le Ali'i, auā na fa'afofoga i le leo o a'u tatalo, o le Ali'i o lo'u malosi ma lo'u talita o Ia, na fa'atuatua lo'u loto ia te Ia, ona ou maua ai lea o le fesoasoani silisili, o lea e fiafia ai lo'u loto, ma ou vivi'i atu ai ia te Ia i la'u pese fa'afetai.' (Salamo 28:6-7)

Ia mua pea i le Atua lona viiga, auā o lona Alofa Tunoa tele ua tatou tu laueleele ai i le manuia i le nei tausaga fou 2023. E ofo alofa atu i le Ekalesia Aoao, i le Suafa manumalo o Iesu Keriso le Ao o le Ekalesia, aemaise AuTaumafai uma a le EFKAS. Ua fa'amalō malaga. Fa'afetai i talosaga ma le tapuaiga, tainane o le soifua faitaulaga i so'o se ala. E leai se mea o lilo i le Silafaga Paia a le Atua, se ā se toese ma se fa'ama'imau ua foa'i, o le Atua lava na te toe fa'atutumu ma fa'amanuia atu. E lē uma alofa'aga mo le au penisione a le Ekalesia, e manatua pea o latou galuega lelei ma sootaga fa'aKeriso a'o tautua ma galulue ai i le misiona tala'i a le EFKAS.

O le na ua tauaao le tusi failotu a le AuTaumafai mo sauniga lotu o le tausaga 2023. O se taumafaiga vaivai sa galulue i ai le Aufaigaluega a le Pulega a Fofa & Alataua. Ua nā o se taiala, ae taoto atu e sailiili ma fa'alau-tele i le mana o le Agaga Paia ana Afioga Paia.

O le masina o Ianuari 12-19, 2023 o le a asiiasi mai ai le Failautusi Aoao o AuTaumafai o le Lalolagi WCEU-IATL mo Hawaii ma Amerika Samoa, le Susuga Faifeau Foma'i ia Dave Coryell. O le masina fo'i o Iuni 19-23, 2023 o le a usuia ai le WCEU- World Convention i Flensunger Hof, Mūke, Siamani. Ua silasila toto'a i ai le Komiti o le AuTaumafai a le EFKAS mo ia tapenaga tetele mo le lumana'i. Ia manatua ifo fo'i Fepuari 02 1881, o le aso fanau o le AuTaumafai o le lalolagi WCEU-IATL. O le manulauti talosia o le nei tausaga i AuTaumafai uma o le lalolagi; ***Ia fa'aolaola/fa'amalosi Tupulaga mo Keriso ma le Ekalesia.***

Ia alofa mai le Atua i galuega uma o le a feagai ai le Ekalesia ma ana AuTaumafai uma i le nei tausaga. Ia saga fa'atumu pea i le Mana o Kersio auā lana misiona folafola, mo *Keriso ma le Ekalesia*. Matou te fa'amaulalo atu fo'i, pe a fai ua i ai ni masei o le Komiti i se tautua o fa'atino, auā pe fa'amatua o faiva, e lē atoa lava i'a o le sa. A'o o alofa'aga mo AuTaumafai a le EFKAS, ia iā te outou uma lava le alofa, le manuia ma le filemu o Keriso, nei e o'o i le fa'avavau, fa'avavau lava, Amene!

Soifua,



Fa'aeteete Saifoloi FT, Peresetene
Mafutaga Aoao 'Au Taumafai EFKAS

IANUARI 2023

Aso Sa, Ianuari 01 (Fa'afouina)

Tusi Faitau: Kenese 1:1-5

Matua: fuaiupu 3

Autū: 'O upu amata o le foafoaga'

1. O upu amata o se tapenaga, e tepa ai i manu ae le o mala
2. Malaga fa'alagolago i upu mai le Atua.
3. O le Atua, O le Upu.

Aso Sa, Ianuari 08

Tusi Faitau: Ioane 8:12-20

Matua: fuaiupu 12

Autū: 'Savali i le moa o le ala'

1. A sese le ala, e au ina afaina le malaga.
2. Taga'i toto'a po o ui i le ala sa'o.
3. O ala o le Atua, o ala tonu na.

Aso Sa, Ianuari 15

Tusi Faitau: Salamo 37:1-7

Matua: fuaiupu 4

Autū: 'Malaga fiafia i le 2023'

1. Taumafai ia maua le fiafia, aua e i ai luitau i faigamalaga
2. Aua nei saili i le fiafia e i ai le mutaaga
3. O le Atua, e maua ai le fiafia moomia i faigamalaga

Aso Sa, Ianuari 22

Tusi Faitau: Filipi 2: 5-11

Matua: fuaiupu 9

Autū: 'Ua to lona Matu-palapala'

1. Tapenaga saunia, e maua fa'amanuiaga i le ala.
2. O le igoa na maua i le ala, o le matu-palapala.
3. Malaga ma le Agaga, ia to sou igaga.

Aso Sa, Ianuari 29

Tusi Faitau: Eperu 4: 14-16

Matua: fuaiupu 16

Autū: 'Fa'alatalata i le Nofolii Alofa'

1. Ia le mamao le tagata malaga ma le ta'ita'i malaga
2. Amanaia fautuaga a le ta'ita'i malaga.
3. O le fa'alatalata i le Ta'it'ai Malaga Sili, e saogalemu ai le malaga.

FEPUARI 2023

Aso Sa, Fepuari 05 (Fa'afouina)

Tusi Faitau: Roma 5: 2-5

Matua: fuaiupu 3-4

Autū: 'Ia onosa'i i Puapuaga.

1. Ia taufetuli ma le onosa'i
2. Aua le fa'avaivai i mea e o'o mai.
3. E maua le tau i o le onosa'i i puapuaga

Aso Sa, Fepuari 12

Tusi Faitau: Mataio 24:40-45

Matua: fuaiupu 44

Autū: 'Ia ola sauniuni ma tapenapena'

1. Ia mataala ma tatalo
2. E tupu le fa'amoemoe pe a lava saunia
3. E le fesiligia le lumana'i pe a lava saunia ma tapenapena

Aso Sa, Fepuari 19

Tusi Faitau: 1 Ioane 1: 5-10

Matua: fuaiupu 5

Autū: 'O le Atua o le malamalama lava Ia'

1. O le tagata e mo le malamalama ae le o le pouliuli.
2. Ia tumau le savaliga i le malamalama.
3. O le ala i le malamalama.

Aso Sa, Fepuari 26

Tusi Faitau: Kalatia 5:1-12

Matua: fuaiupu 1

Autū: ‘O le Atua e maua ai le sa’olotoga’

1. Ia tatalaina e maua ai le sa’olotoga
2. O le anapogi ma le fa’amoemoe mautinoa.
3. Ia lafoa’i ala o le lalolagi.

MATI 2023

Aso Sa, Mati 05 (Fa’afouina)

Tusi Faitau: 2 Timoteo 1: 8-10

Matua: fuaiupu 8

Autū: ‘E le mā le Talalelei’

1. O tatou ua fa’atumauiua ia Keriso, ua utufia fo’i e le Agaga o le Atua
2. Ua fa’aolaina i tatou mo fuafuaga fa’aola a le Atua mo le lalolagi.
3. O le alofa tunoa o le Atua le vai fofo, e malolosi ai pe a vaivai.

Aso Sa, Mati 12

Tusi Faitau: Esoto 17: 1-7

Matua: fuaiupu 7

Autū: ‘ O ia i tatou ea le Alii, pe leai?’

1. O le vai puna mai le papa, fa’ailoga o le iai o le Atua ma i tatou.
2. Aua le muimui pe a feagai ma puapuaga, ae ffilemu ma manatu i ai fa’aleagaga.
3. O le vai puna mai le papa, o le alofa ma le malosi o le Agaga Paia lea e puna mai le loto.

Aso Sa, Mati 19

Tusi Faitau: Ioane 9: 35-41

Matua: fuaiupu 38

Autū: ‘Ua na o le Atua tatou te ifo ai’

1. Ia fa’afetai nao le Atua, aua o manuia uma mai ia te ia.
2. O le fa’atuatua e iloa ai fa’a le agaga, le mamalu o le Atua.
3. E amiotonu ona fa’afetaia le alofa tunoa o le Atua.

Aso Sa, Mati 26

Tusi Faitau: Salamo 130: 5-8

Matua: fuaiupu 6

Autū: 'Fa'atali i le Alii, e sili atu i le aso fou'

1. E le fa'avaivai le tagata moni o le Atua
2. E le fa'atali fua se tasi i le Atua.
3. Tatalo ma fa'atali i le Atua, e maua le tali lelei.

APERILA 2023

Aso Sa, Aperila 02 (Fa'afouina: Aso Sa Laupama)

Tusi Faitau: Luka 19:37-40

Matua: fuaiupu 38.

Autū: 'O le afio mai le Tupu Silisili'

1. Inā teuteu ia le ala mo le Alii
2. Ia fa'afetaia le afio mai o le Tupu
3. Ia nofo tupu Keriso i o tatou loto

Aso Sa, Aperila 09 (Aso Sa Eseta)

Tusi Faitau: Mataio 28:1-7

Matua: fuaiupu: 5-6

Autū: 'O loo soifua pea Keriso'

1. E lē mafai e le oti ona tineia le upu moni.
2. O lo'o ia Keriso le manumalo.
3. Ia soifua pea Keriso i o tatou loto.

Aso Sa, Aperila 16

Tusi Faitau: 1Korinito 15:12-19

Matua: fuaiupu 13-14

Autū: 'O le mao'a e o le Toetu'

1. E pule aoao le Atua i mea uma.
2. O Keriso o le Mesia na valoia.
3. O le taunu'uga mautinoa mo le au-fa'atuatua.

Aso Sa, Aperila 23

Tusi Faitau: Luka 24:13-35

Matua: fuaiupu 32

Autū: ‘O le alofa saili mai o Keriso’

1. E tumau le alofa o Keriso mo I tatou.
2. O afioga a le Atua e mu ai o tatou loto.
3. O Keriso o le upu moni.

Aso Sa, Aperila 30

Tusi Faitau: Kalatia 2:15-21

Matua: fuaiupu 2

Autū: ‘Ia ola mo Keriso’

1. Ua fa’atauina tatou i le tau.
2. O le ola e sui a’i le ola.
3. Ola i le fa’atuatua.

ME 2023

Aso Sa, Me 07 (Fa’afouina)

Tusi Faitau: 1 Korinito 3: 5-15.

Matua: fuaiupu 6

Autū: ‘Galulue pea, o le Atua na te fa’atupuina’

1. O le Atua e tali mai i so’o se mana’oga.
2. Aua le fiugofie, a ia galue pea seia maua le tau.
3. E fa’amanuia le Atua i le galuega e faia ma le fa’amaoni.

Aso Sa, Me 14 (Aso Sa o Tinā)

Tusi Faitau: Esoto 2: 1-10

Matua: fuaiupu 6

Autū: ‘ O le alofa fa’a-Tinā’

1. O le alofa o le Tinā fa’atuatua e manuia lona taunuuga.
2. E ta’uleleia galuega a le Tinā mataala.
3. E fa’avae i le alofa le loto o le Tinā e mata’u i le Atua.

Aso Sa, Me 21 (Aso Sa o le Taulaga)

Tusi Faitau: Kenese 4: 1-16

Matua: fuaiupu 4

Autū: ‘O taulaga ua faia i le loto ma le agaga fiafia, e fia silasila i ai le Atua.’

1. Ia faia taulaga ma le loto fiafia ae lē o le fa’aūū
2. Ia foa’i ma le loto malie ae lē o le fa’atauanauiina.
3. O Iesu o le taulaga silisili.

Aso Sa, Me 28

Tusi Faitau: Fa’aaliga 21:1-8

Matua: fuaiupu 01

Autū: ‘O le lagi ma le lalolagi fou’

1. O le aso o le Alii e leai se tasi na te iloa.
2. E leai se tagi, poo se toe oti, poo se fa’anoanoa i le lagi fou o fa’atalitali nei iai.
3. A o lē tumau seia o’o i le gataaga, e fa’aolaina ia.

IUNI 2023

Aso Sa, Iuni 04 (Fa’afouina)

Tusi Faitau: Mataio 7:24-27

Matua: fuaiupu 24

Autū: ‘O fa’afitauli ma fa’aosoosoga, a o le Atua e to’afilemu ai’

1. Tatou aioi ma saili i le Atua i ala e manuia ai
2. Ia maua pea le loto tele e tauivi ma faigata
3. Ave ese le lē mautonu

Aso Sa, Iuni 11

Tusi Faitau: Efeso 5: 22-33

Matua: fuaiupu 25

Autū: ‘Ia avea pea Iesu ma Ulu o Aiga.’

1. E maopoopo aiga pe a avea Iesu ma Ulu
2. E le tulafoaina e le Atua Aiga Kerisiano uma
3. Fa’amoemoe i le Atua, e fealofani ma maopoopo ai aiga

Aso Sa, Iuni 18

Tusi Faitau: Kenese 2: 18-25

Matua: fuaiupu 18

Autū: ‘Talitonu i le alofa tausī Aiga o le Atua’.

1. ‘Aua nei faoa lou tofi o le Tausi mea a le Atua.
2. E tausī e le Atua lou ola galue.
3. E le maumau lou tautigā mo le Atua ma lana tausī mai.

Aso Sa, Iuni 25

Tusi Faitau: Luka 17: 11-19

Matua: fuaiupu 15 & 16

Autū: ‘Manatua lau Fa’afetai i le Atua

1. Fa’afetai i le Atua mo le Taulaga o le Ola, e ala ia Iesu.
2. Ia tumau pea le agaga fai taulaga i le Atua.
3. Nei avea fiafiaga ma tamaoaiga o le olaga, ma ala e solomuli ai le ola foa’i.

IULAI 2023

Aso Sa, Iulai 02 (Fa’afouina)

Tusi Faitau: Mataio 11: 25-30

Matua: fuaiupu 28-30

Autū: ‘O le amo e māmā’

1. O le galulue fa’atasi e māmā ai se avega.
2. Aisea e māmā ai le amo a Iesu?
3. E mamafa a tatou avega pe a leai Iesu i le ola.

Aso Sa, Iulai 09

Tusi Faitau: Salamo 43

Matua: fuaiupu 3 & 4

Autū: ‘Fa’amaoni seia o’o i le taunu’uga’

1. E tele fa’afitauli e māfua ai ona le o’o i le taunu’uga
2. O le onosa’i ma lototele e o’o ai i le taunu’uga.
3. E te maua le fiafia pe a e taunu’u i le taunu’uga.

Aso Sa, Iulai 16

Tusi Faitau: Mareko 14: 66-72

Matua: fuaiupu 70

Autū: 'Ia toe vaai i lau gagana'

1. O le tagata o le Atua e le pa'ulua lana gagana.
2. O le gagana fa'ale-Atua e maopo'opo ai aiga, nu'u, ma Ekalesia
3. O lau gagana o lou tofi lea mai le Atua.

Aso Sa, Iulai 23

Tusi Faitau: Fa'ataoto 1: 1-7

Matua: fuaiupu 7

Autū: 'O le mata'u i le Atua'

1. Aisea e taua ai ia te oe le mata'u i le Atua?
2. E fa'aapefea ona iloa ua tatou matata'u i le Atua?
3. A'oa'o i lou aiga le taua o le mata'u i le Atua.

Aso Sa, Iulai 30

Tusi Faitau: Mareko 13:1-8

Matua: fuaiupu 1-2

Autū: 'O le mana o fetalaiga a Iesu'

1. O fetalaiga a Iesu e maua ai le to'amalie.
2. E maua le ola i fetalaiga a Iesu.
3. Ua fetalai mai Iesu i o tatou loto i le aso nei.

AUKUSO 2023

Aso Sa, Aukuso 06 (Fa'afouina)

Tusi Faitau: Teuteronomie 31:6-8

Matua: fuaiupu 8

Autū: 'Ou te le tu'ua oe, pe lafoa'i ia te oe.'

1. O le Atua lou ta'ita'i.
2. E taunu'u lau malaga ona o le Ali'i fa'atasi mai.
3. Va'ai i le Ali'i ma le fa'amaoni.

Aso Sa, Aukuso 13

Tusi Faitau: Efeso 4:1-7

Matua: fuaiupu 6

Autū: 'E tasi le Atua'

1. O le Atua na te silafia mea uma o lana foafoaga.
2. Ua vala'auina i tatou uma ina ia tasi le loto, tasi le fa'atuatuga i le Atua moni e to'atasi.
3. O le Atua e le fa'aluaina i se isi lava mea.

Aso Sa, Aukuso 20

Tusi Faitau: Salamo 92:12-15

Matua: fuaiupu 14

Autū: 'Latou te fua mai pea lava'

1. E fa'atāua e le Atua tagata uma.
2. Na afio mai Iesu e fa'aola le lalolagi.
3. O ao sinasina e tua i ai le galuega a le Ali'i.

Aso Sa, Aukuso 27

Tusi Faitau: Ioane 4: 39-42

Matua: fuaiupu 42

Autū: 'O Iesu le Fa'aola o le lalolagi'

1. O Iesu lo tatou ala i malo.
2. Ua tatou mautinoa i le alofa o le Atua i le lalolagi.
3. E ui ina tetele mai le fili ma ana mailei, ae tatou te mapu lava i a'ao o Keriso.

SETEMA 2023

Aso Sa, Setema 03 (Fa'afouina – Aso Sa Talalelei)

Tusi Faitau: Mataio 26:6-13

Matua: fuaiupu 13

Autū: 'O fa'afeao o le Talalelei'

1. E molimau le Talalelei i fa'atinoga lelei.
2. E ganea le Talalelei i le tautua lelei.
3. O le Talalelei taugologolo, e fa'aauau e mea lelei.

Aso Sa, Setema 10

Tusi Faitau: 1 Samuelu 17:44-47

Matua: fuaiupu 45

Autū: 'O le fa'alagolagomaga sili e toa ai le loto.'

1. Toa i totonu, ae lē o le vaaiga a tagata i fafo.
2. Fa’asaosao lou tagata lilo, e aumai ai le loto toa moni.
3. Fa’alagolago i le malosi sili e le vaaia.

Aso Sa, Setema 17

Tusi Faitau: Kalatia 3: 3-9

Matua: fuaiupu 6

Autū: ‘Ia mataala. E i ai fo’i isi Talalelei’

1. O le a le taimi e liliu ese ai le tagata fa’atuatua?
2. O le fili o le vave liliu ese mai le ola valaaauina.
3. Ia manatua le alofa tunoa, e tete’e ai le talalelei ese.

Aso Sa, Setema 24

Tusi Faitau: Kenese 3: 9-15

Matua: fuaiupu 9 & 10

Autū: ‘O le fesili ua sesē lona tali’

1. O le a lau tali i le saili mai o le Atua ia te oe?
2. O le afuaga o le ola tau tuua’i.
3. O fea o i ai oe?

OKETOPA 2023

Aso Sa, Oketopa 01 (Fa’afouina)

Tusi Faitau: Sapakuka 3:16-19

Matua: fuaiupu 18

Autū: ‘Tumau le olioli i le Atua’

1. Loto tele ma fa’amalosi
2. Aua le faiāina i le fa’avaivai.
3. O le malosi ua fa’afouina.

Aso Sa, Oketopa 08 (Lotu a Tamaiti)

Tusi Faitau: Salamo 127:1-5

Matua: fuaiupu 3

Autū: ‘O le Atua Foafoa’

1. Ia lē uma le agaga fa’afetai i le Atua.
2. Taua o le tagata fa’atuatua.
3. Ua togi pa tau le ave.

Aso Sa, Oketopa 15

Tusi Faitau: Mataio 8:23-27

Matua: fuaiupu 26

Autū: 'O Iesu o le tali'

1. Aua le fa'atuatua itiiti.
2. Folau ma le mautinoa.
3. O Fagalele e te'a ai le sou.

Aso Sa, Oketopa 22

Tusi Faitau: 1 Samuelu 24: 16-22

Matua: fuaiupu 17

Autū: 'Fa'atoilalo le leaga'

1. 'Aua le tau'i ma sui.
2. O lalo e saili ai malo.
3. E manatua pule, ae le manatua Fa'alaeō

Aso Sa, Oketopa 29

Tusi Faitau: Galuega 5: 33-39

Matua: fuaiupu 39

Autū: 'Fiafia lava oe i le Alii'

1. 'Aua le fefe
2. Loto tele
3. E malosi le mea moni.

NOVEMA 2023

Aso Sa, Novema 05 (Fa'afouina)

Tusi Faitau: Salamo 34:1-10

Matua: fuaiupu 7

Autū: 'E le tu'ufuaina e le Atua ona tagata'

1. O le Atua e fa'amalo'ulo'u mai.
2. O le Atua e tu'u avanoa.
3. Folafolaga e lalaga i le alofa.

Aso Sa, Novema 12

Tusi Faitau: 2 Nofoaiga Tupu 6:1-11

Matua: fuaiupu 4-5

Autū: ‘Savali, Manatua, Fa’afetai’

1. Aua nei ai ulu, tuana’i taisi.
2. O se fa’amoemoe ma se malaga ua aunoa ma le alofa o le Atua.
3. O le agaga fa’afetai, e manino ai le ola fiafia.

Aso Sa, Novema 19

Tusi Faitau: Mataio 23:1-12

Matua: fuaiupu 12

Autū: ‘O le loto fa’afetai, o le loto maualalo lea’

1. O le loto maualalo e totoina, fafagaina, ma fa’atupu ai le loto fa’afetai.
2. Ia maua le loto fa’amagalo.
3. Aua le manatu fa’atauva’a i se mea e tasi.

Aso Sa, Novema 26

Tusi Faitau: Salamo 18:1-6

Matua: fuaiupu 1-3

Autū: ‘O le fa’afetai sili, o le vi’ivi’i atu i le Atua Soifua’

1. Salamō ma alaga atu i le agaga fa’afetai.
2. Vi’ivi’i atu i le manino ma le fa’amaoni.
3. O le tatalo, o le laina e feso’ota’i ai ma le Atua.

TESEMA 2023

Aso Sa, Tesema 03 (Fa’afouina)

Tusi Faitau: Ioane 4:16-26

Matua: fuaiupu 19

Autū: ‘Talitonu ina ua maua’

1. A uma le masalosalo, ona tautino lea o le salamō
2. E le mafai ona lafi i luma o le Ali’i.
3. E taua le malamalama e tutupu ai manatu.

Aso Sa, Tesema 10

Tusi Faitau: Hose 13:9-16

Matua: fuaiupu 9

Autū: 'E onosa'i le alofa'

1. O le Atua fai tama lelei.
2. E femoumoua'i le nu'u, ae le liliu lava le Atua.
3. E tasi le mana'o o le Atua i lona nu'u, ia fo'i mai ia te Ia.

Aso Sa, Tesema 17

Tusi Faitau: Isaia 43:10-15

Matua: fuaiupu 11

Autū: 'O le Atua o le Fa'aola e toatasi'

1. E taunu'u mea uma ua folafolaina.
2. Sauni e talia lou Fa'aola.
3. Na o le Atua lava, e malie ai o tatou mana'o.

Aso Sa, Tesema 24

Tusi Faitau: Luka 4:40-44

Matua: fuaiupu 43

Autū: 'O le talalelei mo tagata uma'

1. Ua silafia lelei e le Ali'i ana feau ma galuega
2. Aua le fa'alavelave o loo fa'afofoga le Atua.
3. A lē taunu'u lona fa'amoemoe, ua leai se aoga o lona afio mai.

Aso Sa, Tesema 31

Tusi Faitau: Efeso 2:11-22

Matua: fuaiupu 14

Autū: 'O Iesu le leleiga o tagata uma'

1. E maifea le fevaevaea'i ma le feitaga'i.
2. Ia iloa ona fa'atoilalo lou toilalo.
3. Fai se leleiga ma tagata uma i le tausaga fou.

TA'UTINOGA 'AU TAUMAFAI

Ua ou fa'amoemoe i le fa'amalosi mai o Iesu Keriso ia te a'u. O lenei, ou te ta'utino i le Ali'i, o le a ou taumafai ona fai o mea uma e tusa ma Lona finagalo. O le a ou faia ma tulafono o lo'u ola:

Ou te tatalo ia te Ia i aso uma; Ou te faitau i lana Afioga i aso uma; Ou te 'alo 'ese i inuga 'ava o'ona i aso uma lava; Ou te lagolago i galuega ma tapua'iga a le Ekalesia i so'o se ala ou te mafai ona ou faia;

Ma, i lo'u olaga atoa, o le a ou taumafai i lo'u iloa atoatoa, ona ola i le soifuaga Kerisiano mo Keriso,

Amene.



Tautua Printing Press
1 Kanana Fou St, P.O. Box 1537
Kanana Fou, American Samoa 96799
(684) 699.9810
<https://efkasonline.org>